

衛輝府志卷五

古蹟

伍城故城

魏書地形志義州興和二年置寄治汲郡陳城領伍城
泰寧新安澠池恒農宜陽金門七郡十九縣其伍城郡
領縣曰伍城永安中置

隋書地理志東魏僑置七郡後齊省以置伍城郡後周
廢郡爲伍城縣開皇六年改爲汲縣

宋白續通典衛州隋以前謂之陳城武王伐紂於此列
陳故名

衛輝府志

卷五

古蹟

一

一統志卽今汲縣治古汲郡陳城東魏置伍城縣爲義
州郡治

汲縣故城

史記秦莊襄王三年蒙驁攻魏汲拔之始

還兵攻汲 按漢置縣屬河內郡高帝十一年封功臣
公上不害爲汲侯晉置汲郡

魏世家河內共汲必危徐廣曰汲縣屬河內

水經注縣故汲郡治晉太康中立

魏書地形志汲郡領縣汲晉屬後罷太和十二年復治
汲城 按汲郡治枋頭城蓋縣已非郡治北齊省縣入

伍城隋改伍城曰汲而故城遂廢

括地志汲故城在衛州所理汲縣西南三十五里

一統志在今汲縣西南本戰國魏邑

隋興故城

隋書地理志 郡 縣隋興開皇六年 後析置陽源

縣大業初并入焉

舊志隋興城在汲縣北二十里唐武德初廢入汲

一統志在汲縣北

新樂故城

晉書太和五年燕慕容暉使弟臧城新樂

衛輝府志

卷五

古蹟

二

水經注新樂城在獲嘉縣故城東北卽汲水新中鄉

魏書地形志獲嘉太和二十三年復治新樂城北齊廢

舊唐書地理志隋割汲獲嘉二縣地於古新樂城置新

鄉縣

元和志新樂縣東至衛州四十八里

一統志今新鄉縣治

共縣故城

汲冢紀年厲王出奔共伯千王位後復歸於國

水經注共縣故城卽共和之故國也

左傳隱公元年鄭太叔出奔共注共國今汲郡共縣

戰國策信陵君曰通韓上黨于共甯

史記秦始皇二十六年遷齊王建於共漢高帝封盧罷師爲共侯 按後爲縣屬河內郡晉屬汲郡後魏屬林慮郡章懷太子曰故城在今縣東蓋隋時移治也

寰宇記高齊天保七年省共縣移就獲嘉縣古城以處之隋開皇四年移獲嘉治於修武城始復置共城

一統志今輝縣治周共伯國

凡城故城

左傳隱公七年天王使凡伯來聘注汲郡共縣東南有凡城

衛輝府志

卷五

古蹟

三

水經注清川又南逕凡城東 按唐武德九年置凡城縣屬共州四年復省入共

元和志故凡城在共城縣西南二十里

一統志在輝縣西周凡伯國

獲嘉故城

漢書武帝紀元鼎六年將幸緱氏至汲新中鄉得呂嘉首以爲獲嘉縣 按後漢爲侯國屬河內郡馮魴子柱尚顯宗女獲嘉公主柱子石襲母公主爵封獲嘉侯晉改屬汲郡後省北魏太和二十三年復置改治新樂城魏書地形志有獲嘉城

隋 地理志新鄉舊有獲嘉縣 按後齊廢開皇初廢
修武郡別置獲嘉縣

舊縣志 馮石城在縣南十里

一統志在新縣西南十二里漢置縣屬河內郡
修武故城

左傳文公五年晉陽處父聘於衛反過甯注甯晉邑汲
郡修武縣也

韓詩外傳周武王伐紂勒兵於甯因名修武
韓非書秦昭王去邯鄲西攻修武

史記漢二年定河內軍於修武尋置縣屬河內郡 按

衛輝府志

卷五

古蹟

四

晉屬汲郡後魏孝昌中分置北修武於山陽因名此爲
南修武隋改獲嘉

括地志獲嘉古修武縣

元和志獲嘉縣東南至懷州一百六十里高齊自故縣
移於共城隋又自共城移於今理

舊縣志故城在縣城外西北隋殷州城在縣西南三十
里

一統志今獲嘉縣治卽古修武亦卽甯也

南陽故城

左傳僖公二十五年晉於是始啟南陽

史記秦昭襄王三十三年魏入南陽以和注徐廣曰河內修武古曰南陽

漢書注應劭曰晉始啟南陽今南陽城是也秦改曰修武

後漢志修武有南陽城

水經注修武故甯也亦曰南陽馬季長曰晉地自朝歌以北至中山爲東陽朝歌以南至軹爲南陽

通鑑地理通釋南陽有二修武卽魏之南陽也南陽郡今鄧州也

一統志在獲嘉縣北

衛輝府志

卷五

古蹟

五

朝歌故城

書酒誥明大命於妹邦孔傳紂所都朝歌以北是也

春秋閔公二年狄滅衛 按地後屬晉戰國屬魏

左傳襄公二十三年齊伐晉取朝歌

史記秦始皇六年伐魏取朝歌 按漢元年項羽立司馬卬爲殷王都朝歌卽此也

史記樂書注晉灼曰紂爲朝歌之音朝歌者歌不時也故墨子聞之惡而迴車不逕其邑

元和志故城在衛縣西二十二里

舊縣志在今縣北關西社其故衛縣明洪治間割屬濬

一統志在淇縣東北古沫邑武乙所都紂因之周武王滅殷封康叔爲衛國

酸棗故城

左傳隱公元年太叔又收貳以爲己邑至于廩延又襄公三十年鄭游吉奔晉駟帶追之及於酸棗

史記魏文侯三十二年伐鄭城酸棗又秦始皇五年將軍驚玫魏定酸棗 按漢置縣武帝封廣川惠王子晏爲侯邑

水經注濮水又東北左會別濮水受河於酸棗縣逕酸棗縣故城南

衛輝府志

卷五

古蹟

六

漢官儀曰舊河隄謁者居之城北韓之市地也聶政死其姊哭之於此城內有後漢酸棗令劉孟陽碑

元和志酸棗故城在縣西南十五里六國時韓王所理處舊址猶存

一統志在延津縣北十五里本鄭廩延邑亦曰酸棗

胙城故城

左傳富辰曰凡蔣邢茅胙祭周公之裔杜預注燕縣西南有胙亭

後漢書郡國志東郡有胙城古胙國是也 按隋開皇十八年置縣

元和志隋文帝因覽奏狀見東燕縣名因曰今天下一
統何東燕之有遂改胙城屬滑州 按唐武德二年于
此置胙州領胙城後廢仍屬滑宋因之

寰宇記縣在州西南九十里金初屬南京泰和八年以
限河不便改屬衛州

舊縣志始自東燕故城移治西三十五里華里店金貞
祐中又徙治直村元泰定甲子仍徙華里店卽今治
一統志在延津縣北三十五里周爲胙國

南燕故城

左傳隱公五年衛人以燕師伐鄭注南燕國今東郡燕

衛輝府志

卷五

古蹟

七

縣

史記秦始皇五年將軍驚攻魏定燕虛注括地志云南
燕城古燕國也 按漢初盧縮劉賈與彭越擊破楚軍
於燕郭西尋置南燕縣後漢初封樊儵爲侯邑晉初省
光熙五年進東瀛公騰爵爲東燕王東燕之名始此永
嘉二年詔車騎將軍王堪屯東燕以拒石勒晉志石虎
分東燕郡屬洛州蓋改晉之東燕國爲郡也

魏書地形志東郡領縣東燕

唐書地理志武德二年置胙州並置南燕縣四年州廢
省南燕

舊縣志故址在縣三十五里俗呼爲城上

一統志在延津北三十五里周爲胙國

黎陽故城

漢志注晉灼曰黎山在其南河水經其東縣取山之名
取水之陽以爲名

水經注河水又東北過黎陽縣南今黎山之東北故城
蓋黎陽縣之故城也山在城西憑山爲基東阻爲河
魏書地形志黎陽郡孝昌中分汲郡置治黎陽城
宋河渠志大觀三年都水監言慮水溢爲患乞移軍城
於大伾山居山之間以就高仰

衛輝府志

卷五

古蹟

八

一統志在濬縣東北漢置黎陽縣屬魏郡 按宋時郡
治黎陽卽漢時故城也政和五年升安利軍爲州是時
濬州與黎陽各治蓋濬州別治三山而黎陽則仍舊治
也明初復徙治于山東北平 卽今縣治

衛縣故城

元和志衛縣在衛州東北六 八里

舊縣志今爲衛縣集

一統志在濬縣西南五十里 也初名朝歌大業初
改曰衛爲汲郡治唐貞觀初屬衛州宋天聖四年隸安
利軍熙寧六年廢入黎陽後復

馬縣

史記高祖西與秦將楊熊戰於白馬 按漢屬東郡晉屬濮陽國後魏置兗州 臺白馬亦隨州徙治故城遂廢

水經注白馬濟津之東南有白馬城衛文公東徙渡河都之故濟取名焉袁紹遣顏良攻東都太守 延于白馬關羽爲曹公斬良以報効卽此處

括地志白馬故城在滑州衛南縣西南二十四里一統志在滑縣東二十里本衛曹邑

封邱故城

衛輝府志

卷五

古蹟

十一

左傳定公四年視佗曰武王分魯公以封父之繁弱水經注濟瀆東逕封邱縣南燕縣之延鄉也其在春秋爲長邱 按漢置封邱縣

元和志縣南至汴州五十里古之封父國漢高祖與項羽戰敗于延鄉有 者免其難故以延鄉爲封邱縣以封翟母

元史地理志封邱縣金大定中河水湮沒遷治新城元初新城又爲河水所壞乃因故城遺址稍加完葺而治焉

甯縣故城

春秋隱公十年宋人蔡人衛人伐戴

史記漢元年靳歙畧梁地別將擊邢說軍留南

地理注留縣故戴國注應 曰韋帝改爲考城

元和志考城縣西南至曹州九十五里古戴國也後屬

宋楚滅宋改名曰穀後漢兵起邑多留年故改爲留縣

孝章柴于岱宗過留縣詔御史改爲考城至晉屬濟陰

郡高齊天保七年省考城仍移城安縣理此

舊考城志元時移治賀邱明洪武中移治江墓店正統

二年又以河患徙築今城在縣南二十五里

一統志在考城縣東南本周戴國漢世縣屬梁國

衛輝府志

卷五

古蹟

十二

山陽廢縣

金史興定四年以修武縣之重泉村置山陽縣屬輝州

卽古重泉城也

元史地理志至元三年省山陽縣爲鎮入輝州

一統志在 縣西南七十里

涼城廢縣

宋書晉義熙十二年遣北兗州刺史王仲德破魏於東

郡涼城

水經注河水東北逕白馬縣之涼城北

耆舊 東郡白馬縣之神馬亭實中層峙

隋志白馬舊置東郡後齊并涼城縣入焉

一統志在滑縣東北後魏置縣爲東郡治

衛南廢縣

詩作于楚室

左傳齊桓公封衛于楚邱

漢書地理志衛爲狄所滅齊桓公率諸侯伐狄而更封

衛于河南曹楚邱是也 按隋開皇十六年置縣屬東

郡唐屬滑州

舊唐書志滑州衛南隋楚邱縣後以曹有楚邱乃改爲

衛南縣治古楚邱城儀鳳元年移治西北濱河之新城

衛輝府志

卷五

古蹟

十三

永昌元年又移於楚邱之故城 按南宋仍屬滑州金

省又隋志有西濮陽大業初廢入衛南又平昌縣魏孝

昌四年分白馬置長樂縣武泰初分涼城置皆屬東郡

後齊皆廢入衛南

一統志在滑縣東六十里本衛楚邱地

韋城廢縣

後漢書注白馬縣東南有韋城古豕韋氏之國 按隋

開皇十六年置縣屬東郡唐宋屬滑州金時縣圯於水

廢入白馬

一統志在滑縣東南本古豕韋國

靈昌廢縣

元和志靈昌縣東北至滑州七十里

一統志在滑縣西南隋開皇十六年置屬東郡唐屬滑

州後唐避諱改曰靈河宋熙寧三年廢入白馬

按九域志云治平三年廢與宋史異

守節廢縣

寰宇記在封邱縣西北三十里唐武德三年李勣于酸

棗縣置梁州乃分胙城酸棗二縣地置守節縣屬之時

東州未平人思効節縣新創立故以守節爲名四年廢

鄘城

衛輝府志

卷五

古蹟

十四

詩譜自紂城而南謂之鄘

通典鄘城在新鄉縣西南三十二里古鄘國也

寰宇記在汲縣東北十三里

一統志在汲縣東北周初所分之國

重門城

三國魏志齊王芳紀使者持節送衛營齊王宮于河內

重門

水經注重門城在共縣故城西北二十里

一統志在輝縣西北

鄧城

水經注長泉水重發于鄧城西北又南徑鄧城東
一統志鄧城在輝縣西南六十里周九里

王莽城

寰宇記王莽城王莽所築在輝縣西北八十五里凡有三
城如鼎足

羅城

水經注淇水又歷羅城北

寰宇記共城縣治西北六十里大山中有羅門卽山峽
徑東之所內有南羅中羅北羅三城各相去六十里
縣志有平羅村在縣西北六十里侯趙川中蓋其遺址

衛輝府志

卷五

古蹟

十五

又有方城在縣西二十里

一統志在輝縣西北

隕城

左傳隱公十一年桓王與鄭蘇忿生之田攢茅隕懷注
攢茅隕皆在修武縣北

水經注吳陂水之北陂澤側有隕城今世俗謂之皮垣
際陂北隔水一十五里俗所謂蘭邱西十里又有一邱
際山世謂之勅邱形狀相類疑卽古攢茅杜預謂三邑
皆在縣北非也

括地志茅亭在獲嘉縣東北二十五里卽古攢茅

一統志在獲嘉縣西北

吳城

魏書地形志南修武有吳城

府舊志一名吳亭

一統志在獲嘉縣西

桃城

史記春申君傳拔燕酸棗虛桃入邢注徐廣曰燕縣有

桃城

漢書功臣表桃侯劉襄高祖十二年封

括地志桃城在胙城縣東四十里

衛輝府志

卷五

古蹟

十六

故虛城

春秋桓公十二年會宋公于虛注虛宋地

縣志故虛城在縣東南

吳起城

一統志在延津縣西北二十里相傳起仕魏時曾將兵

屯此因名俗謂之鵝城

雍榆城

春秋襄公二十三年叔孫豹帥師救晉次于雍榆注

榆晉地汲郡朝歌縣東有雍城

水經注淇水又東北流逕雍榆城南

明統志在濬縣西南四十八里

縣志今呼爲甕城

一統志在濬縣西南

袁譚城

述征記黎陽城西南七里有袁譚城西南三里又有一城曹操攻譚時所築

元和志袁譚故城在黎陽縣西南一百步曹操故城在縣西南一里

縣志袁譚城今呼爲團城

一統志在濬縣西南

衛輝府志

卷五

古蹟

十七

黎陽鎮城

元和志黎陽城在黎陽縣東南一里翟遼于此僭號亦曰翟遼城唐初改曰白馬鎮

枋頭城

晉書符堅自鄴如枋頭燕諸父老改枋頭爲永昌縣復之終世其後仍爲枋頭

水經注漢建安九年魏武王于水口下大枋木以成堰遏其水東入白溝以通漕運故時人號其口爲枋頭後遂廢魏熙平中復通之

魏書地形志汲郡治枋頭城

元和志在衛縣東一里後魏常移汲郡治此
寰宇記城去河八里南對酸棗棘津隋初嘗置永昌縣
大業中廢

一統志在濬縣西南八十里卽今之淇門渡古淇水口
也

黎陽倉城

冀州圖經袁紹聚糧之所

唐書李密以麾下兵五千付李勣與郝孝德等濟河襲
黎陽守之開倉縱食

括地志黎陽城西南有故倉城相傳袁紹聚糧之所

衛輝府志

卷五

古蹟

十八

按卽隋置倉處金初河易故道倉城始廢

一統志在濬縣西南三十里隋開皇三年置黎陽倉漕
河北之粟以輸京師

宛城

水經注宛水自石堰東注宛城西屈逕其城南

魏書地形志朝歌有宛城

寰宇記在衛縣北四十里

一統志在濬縣西

牽城

左傳定公十四年公會齊侯衛侯于牽注魏郡黎陽縣

東北有牽城又晉人圍朝歌公會齊侯衛侯于
之間注梁間卽牽

寰宇記牽城在內黃縣西十二里

一統志在濬縣北十八里本衛邑

王二莊城

濬縣舊志在縣東北

屯子城宜溝鎮城

濬縣舊志在縣西北

鉏城

左傳襄公四年魏絳曰后羿自鉏遷于窮石注鉏羿本

衛輝府志

卷五

古蹟

十九

國名

後漢書郡國志濮陽有鉏城

水經注濮陽西南十五里有鉏邱城

括地志故鉏城在滑州衛城縣東十里

晉地記河南有窮谷

一統志在滑縣東

須城

詩思須與漕

毛傳須漕衛邑

水經注濮渠東逕須城北

寰宇記在衛南縣東南二十八里

一統志在滑縣東南

平陽城

左傳哀公十六年衛侯飲孔悝酒于平陽醉而遣之注

燕縣東北有平陽亭

水經注廩延故城卽平陽亭

寰宇記在韋城縣西二十里

一統志在滑縣南

鹿鳴城

水經注按竹書紀年梁惠成王十三年與鄭鹿卽是城

衛輝府志

卷五

古蹟

二十

也今城內有故臺尙謂之鹿鳴臺又謂之鹿鳴城王元謨自滑臺走鹿鳴者也濟取名焉亦曰鹿鳴津

元和志故城在滑州北三十里 按五代晉天福二年

馮暉引兵至六明鎮周廣順中河決六明鎮胡三省曰

鎮卽大通軍之地縣志云鎮在縣東北胡良渡口蓋六

明卽鹿鳴之訛也

一統志在滑縣東北

大通城

一統志在滑縣東北當胡良渡口舊時大河津濟處

月城以防渡口隋義熙二年王世充自鞏北走入大通

城卽此五代晉天福四年置大通軍其浮橋亦曰大通橋城北卽六明鎮也

成公綏城

寰宇記在衛縣西南二十里晉成公綏居此

一統志在滑縣東

沙店城

宋史宗澤傳建炎初澤畱守東京使王彥屯於滑州之沙店 按滑縣又有董固城在縣南七里金時屯營又向固城在縣北八里唐時都督府兵及宋埽兵並屯此一統志在滑縣西南三十里

衛輝府志

卷五

古蹟

二十一

期城

寰宇記在封邱縣南七里

城冢記夏禹理水時所築今呼爲簸箕城又雲響城在縣南十里吳晉會諸侯于黃池莫不雲集響應共築此

城因名

簸箕城

寰宇記在縣北四十六里

城冢記禹治水時所築

一統在考城縣北

斜城

水經注汲水東逕斜城下

續述征記黃嵩到斜城五里

陳畱風俗傳考城有斜亭

銅關

晉地道記汲縣有銅關

府舊志今名衛關爲大河津濟處

臨清關

隋書煬帝記帝初卽位幸洛陽發丁男數十萬掘塹自龍門東接長平汲郡抵臨清關

楊元感傳修武縣民相率守臨清關元感不得濟遂于

衛輝府志

卷五

古蹟

二十二

汲郡南渡河

唐書地理志新鄉東北有故臨清關

寰宇記在縣東北十八里自河南入汲郡大驛路

舊府志有臨清舖蓋以故關爲名

延津關

後漢書袁紹傳紹自黎陽渡河沮授諫曰今宜畱屯延津分兵官渡

唐書地理志新鄉東南有故延津關

寰宇記關在縣東南三十五里

侯趙川關

宋史岳飛傳建炎初敗金兵于侯趙川

輝縣舊志關北接林慮西接陵川重山四障儼若城郭
明洪武三年設巡司戍守其西爲雁翅坡連山跨水關
門險隘天成

一統志在輝縣西北七十里

香臺關

一統志在延津縣西北東沙門鎮本置于項城縣西明
宏治十一年移置於此舊有巡司

黎陽關

隋書地理志黎陽有關官

衛輝府志

卷五

古蹟

二十三

唐書地理志黎陽有白馬關一名黎陽關

元和志白馬關在縣東一里五步卽白馬津高齊文襄
征潁城移石濟關于此卽造橋焉改名曰白馬關周又

改黎陽關

一統志在濬縣東

杏園鎮

通鑑郭子儀自杏園濟河東至獲嘉破安太清

九域志衛州汲縣有杏園鎮

一統志在汲縣東南舊爲黃河津濟處設戍守 按杜
甫詩土門壁甚堅杏園渡亦難卽此史思明遣薛岌圍

今狐彰于杏園李忠臣爲濮州刺史移鎮杏園渡亦此地也

淇門鎮

一統志在汲縣東北五十里唐大順初朱溫寇魏博分遣其將龐師古等下淇門衛縣梁龍德二年與晉軍夾河相持戴思遠襲衛州攻陷淇門元時運道自封邱中欒鎮陸運至淇門明初徐達定中原窺取河北自中欒渡河下衛輝至淇門鎮卽此

早生鎮

金史地理志共城鎮大寧早生

衛輝府志

卷五

古蹟

二十四

淇縣舊志早生鎮今爲棗生村在縣西焦泉之東

青龍鎮

一統志在淇縣東十五里

西沙門鎮

一統志在延津縣西二十里其東十里爲東沙門鎮明宏治中改置香臺巡司於此

新鎮

一統志在濬縣西南五十里接汲縣界有城爲戍守處元置巡司明初裁尋復置

老岸鎮

一統志在滑縣東南七十里明正統中置巡司後
正十二年復置

武邱鎮

九域志韋城縣有武邱鎮

金史地理志白馬鎮武邱

曹村鎮

一統志在滑縣東

什村鎮

滑縣舊志在縣東北

潘店鎮

衛輝府志

卷五

古蹟

二十五

九域志封邱有潘店鎮

一統志在封邱縣東二十里

中欒鎮

一統志在封邱縣西三十五里大河北岸舊有城元至
元中以運道堙塞命轉運使歲漕江南米數十萬由淮
入汴至中欒城陸運赴淇門仍以舟載送京師蓋運道
以此爲中頓後以勞費不資改從海運而中欒遂廢明
洪武中嘗設驛及巡司

鴨子口石門口

一統志在輝縣西五十里山路險阻西通陵川明成化

元年設巡司于此其東北爲石門口

李家道口

一統志在濬縣南二十五里有城周六里有奇明嘉靖間設稅課局于此

李臺砦

一統志在新鄉縣南三十里相傳元總管孫公懋屯兵處明初置李臺驛永樂初廢今爲李臺舖

馬武砦

一統志在輝縣西北七十里太行山內

朝歌砦

衛輝府志

卷五

古蹟

二十六

一統志在淇縣西二十五里相傳紂避兵處

王鐵槍砦

一統志在滑縣東北四十里五代梁將王彥章嘗屯兵于此

萬戶營

一統志在延津縣東北相傳元末萬戶陳榮置營于此

周太祖營

一統志在封邱縣西北一里相傳漢乾祐末周太祖自鄴趨汴屯兵于此

小修武聚

漢書高祖三年自成臯北渡河宿小修武 舍旣得韓
信軍軍於小修武注晉灼曰小修武聚在大修武東
葵邱聚

左傳僖公九年會於葵邱注陳畱外黃縣東有葵邱
後漢書郡國志外黃有葵邱聚齊桓公會此城中

元和志葵邱在考城縣東南一百五十步

考城縣舊志葵邱東南有盟臺其地名盟臺鄉

雍鄉

後漢書郡國志胙城有雍鄉

一統志在延津縣北

衛輝府志

卷五

古蹟

二十七

鉅橋鄉

史記殷本紀盈鉅橋之粟服虔曰鉅橋倉名索隱曰鄒
誕生云鉅大橋器名也

明統志卽武生發鉅橋之粟處

濬縣志在縣西五十里

嘯臺

水經注仙者孫登之所處其上有聚遠亭

府舊志在輝縣蘓門山嶺

鹿臺一作廩臺

書武王散鹿臺之財

厚賦以實鹿臺

本紀命南宮括散鹿臺之財 按汲冢周書作南宮
新序鹿臺其大三里高千尺瓚曰鹿臺臺名今在朝
歌城中徐廣曰鹿一作廩

水經注朝歌城內有殷鹿臺紂昔自投于火處也

括地志在衛縣西南二十二里

元史地理志淇州本衛州之鹿臺鄉

淇縣舊志有殷虛在縣北三里又有鉅橋及糟邱酒池
諸遺跡

一統志卽 淇縣治

衛輝府志

卷五

古蹟

二十八

南單

晉 周武王親禽受于南單之臺

王臺

魏書地形志酸棗有望氣臺

水經注酸棗故韓國城西有韓王望氣臺

孫楚韓王臺賦序酸棗縣門外夾道左右有兩臺訪之
父老云韓王聽訟觀臺也高十五仞

寰宇記臺在縣西南十五里

一統志在延津縣南

上宮臺

詩要我乎上宮

通典衛縣有上宮臺

寰宇記在宛城東二里南臨淇水

一統志在濬縣西

沙邱臺

一統志俗名妲己臺在濬縣北之宛城

招鷹臺

濬縣舊志在故衛縣西北里許淇河東岸紂時虞人呼鷹之所

杏花臺

衛輝府志

卷五

古蹟

二十九

一統志在大伾浮邱兩山之間金時所營以資遊觀者封邱臺

魏書地形志封邱有封邱臺

寰宇記封邱臺在縣東五里世本東郡燕國侯伯儵子卒葬此遂於城內作地道向子墓亦名慕子臺

龍門臺

水經注汲水又東龍門故瀆出焉

西征記龍門水名也門北有土臺高三丈餘上方數十步

寰宇記龍門臺在考城縣西南十五里臺南渠岸

與臺下水相連高齊時于此置倉至後周廢

湧金亭

一統志在輝縣西百門泉上亭在泉側泉從地湧日照如金宋蘇軾書蘇門山湧金亭六大字西有百泉亭一名噴王金明昌間建

思親亭

明統志元許衡寓居是邑與門人時至百泉亭吟咏爲樂衡歿後其子師可爲衛輝路總管覩其遊息之所而思之故立此亭

一統志在輝縣西北

衛輝府志

卷五

古蹟

三十

明農亭

一統志在輝縣西清水之涯元王惲建

仁亭

後漢書延熹二年封歐陽參爲修武仁亭侯卽此

一統志在獲嘉縣境

遮害亭

一統志在濬縣西南五十里舊爲大河所經

鴻濛亭

名勝志在大伾南嶺其北有懋功宅唐徐世勣守黎別墅也

一統志在濬縣

瓦亭

春秋定公八年公會晉師于瓦注燕縣東北有瓦亭

水經注酸澗水東南逕瓦亭南

一統志在滑縣南

按隋末翟讓亡命瓦岡卽此今縣東有瓦岡集

畫舫亭

六一居士集予至滑卽其署東偏之室治爲燕私之居
而名畫舫齋齋廣一室其深七尺以戶相連凡入于室
者如入乎舟中

衛輝府志

卷五

古蹟

三十一

一統志在滑縣治宋歐陽修建蔡襄書額今廢

歸雁亭

一統志在滑縣城內臨河歐陽修有詩

蒲亭

後漢書仇覽傳選爲蒲亭長注考城有蒲亭

邀月樓

明統志唐刺史李憲建

一統志在府治中

飛雲樓

明統志金大定間防禦使楊伯傑建

一統志在府治北城上

挹翠樓

一統志在輝縣西北元時建左有洗心亭

清風樓

一統志在滑縣治內宋梅摯建元守杜金吾重修

筠溪軒

明統志元李重元王伯達建王盤爲記

一統志在輝縣治西卓水泉

康節故居

一統志在輝縣西北蘇門山中百泉上宋儒邵雍讀書

衛輝府志

卷五

古蹟

三十二

處

淇園

詩瞻彼淇奧

一統志在淇縣西北三十五里漢武帝塞瓠子決河下

淇園之竹以爲楫東漢初寇恂爲河內太守講武肄射

伐淇園 竹爲矢百餘萬章帝建初七年幸淇園卽此

牧野

後漢書朝歌南有牧野

一統志在淇縣南

孫就柵

一統志在濬縣西北晉太和中劉牢之攻後燕黎陽
守劉撫于孫就柵叩此

谷口戍

一統志在濬縣西南枋頭西晉太元十年秦符丕就穀
枋頭旣而將歸鄴與晉將檀元戰于谷口是也

袁曹遺壘

一統志在滑縣西北十五里每大營左右環以二小營
大營九小營十八

石柱

唐書藩鎮傳興元初李希烈據汴州滑州刺史李澄初

衛輝府志

卷五

古蹟

三十三

降於希烈旣而希烈使澄攻寧陵澄至石柱使衆陽驚
燒營而遁密請內附

草市

通鑑晉天福二年范延光舉兵魏州遣使渡河焚草市
胡三省注滑州城外舊有草市以草舍成市而名

滑縣志由縣南門外出草市穿隄有大路夾東西龍潭
謂之龍河道口

通安堡

金史地理志考城有黃陵岡元光二年改爲通安堡
一統志在考城縣北